

**HOOHUIAINA PALA KA MAIA.**

Auhea wale oe kahi Palaama,  
 Hoohuiaina pala ka maia,  
 Hapapa hewa ana ou maiuu,  
 I ka pahu hinuhinu a Paleka,  
 E kala no au i aku ai,  
 He aloha aina na Hawaii;  
 Pehea mai nei kahi Kakina,  
 O ka moo nihoawa hoowalewale;  
 Ua like pu oe me Satana,  
 Kepolo nui o ke ao nei,  
 Auhea wale oe e Kawainui,  
 Ua paa ko maka i ke kepau,  
 Paulele oe i ka mikanele,  
 Aihue aina makakeleawe,  
 He keu oe a ke aloha ole,  
 I ka hae aloha a o Hawaii nei,  
 Ka makou ia kalokalo nei,  
 E mau Hawaii la i ka pono;  
 Hainaia mai ana ka puana,  
 Hoohuiaina pala ka maia.

S. PINAO.